

雲南府縣志輯

中國地方志集成

道光咸豐
光緒續順寧府志輯

中國地方志集成

雲南府縣志輯 ③⑤

道光威遠廳志

光緒續順寧府志稿

光緒騰越鄉土志

鳳凰出版社 ● 上海書店 ● 巴蜀書社

威遠廳志序

威遠僻壤也亦要區也爲滇省
南方屏障地多種夷稱爲難治
我

朝聲教四訖導以詩書化以禮樂百
數十年來農多賣劍買犢士皆

威遠廳志

序

朝誦夕絃兵亦知紀律而慎操
防俗蒸蒸上迄及邊夷竝棄舊
俗蓋休養薰習久矣其興革之
由防制之要山川疆域之大民
風物產之繁不有志以記之後
將曷以資考證善措施哉乃昔

威遠廳志

序

二

之官其地者莫或舉行前廳夏
署丞始屬志草一冊語焉不詳
未嘗授梓歲丙申謝署丞權篆
慨焉以勅修任訪取志草與多
士網羅放失舊聞輯爲廳志八
卷書成請序於余閱之其文約
其事詳其採取也博而編輯也
慎洵足備是邦之掌故而昭茲
來許矣夫威遠地處遐荒民貧
而土瘠夷衆雜之非內地比也
乃近年以來風移俗革秀而文
者言孝言弟之日進樸而愿者

讓路讓畔之日興恬熙之象與
中土埒是豈古所謂瘠土之民
多嚮義而治之易爲力乎蓋
國家深仁厚澤所以涵濡之者至優
至渥而良有司宣

上德意拊循不倦之有以致之歟後

威遠廳志

序

三

之撫斯土者卽志之所載率循
而推廣之興其利除其弊擴耕
織樹藝之方申禮義忠信之教
則治臻上理殆將有進於今者
不然或操之以鹵莽滅裂之心
而施之以鹵莽滅裂之政則是

邦固戎索舊疆也安見瘠土之
必易於治而風俗之不與化移
易乎余旣允所請爲序其緣起
且舉以告後之人長治久安惟
繼起之賢吏是賴余能無深冀
也乎謝署丞平彝令山左進士
其治威遠也攝也從政之餘輯
成此志未嘗存五日京兆之心
其平日之爲治可知也矣

威遠廳志

序

四

賜進士出身

誥授光祿大夫協辦大學士兵部尙
書都察院右都御史雲貴總督

長白莘農氏伊里布撰

威遠廳志

序

五

威遠廳志序

滇在京師西南八千餘里古
為要荒之服而威遠又居
滇極南雅正以前尚為土司
所轄其設流官而濡

序

聖化僅百餘年耳山川物產
之名不見於經史開闢日淺
疆土雖拓多屬不毛財賦所
出無幾風俗則多漢襟居
人物之盛文章行誼之美即

有一二可觀度未從彬之蔚
起與中土爭衡者也然而事
必有其由始而後竟觀厥成
古之成邑成都號稱富庶
者未有不緣累古草創而
起設郡及僻陋不舉目前
可紀者華之於書後之人雖
欲追焉纂輯而不可得余甚
病之考歲遠互操乃益州
郡徼外地南詔蒙氏置威

遠脰屬銀生節度段氏時
為金齒蠻酋阿只步所據
元世祖討平之申統三年以
地屬威楚路明洪武二十四
年置威遠土州屬楚雅府
蓋是時生其地者華莽託孫
未通聲教土司沒後而虐使
之變於無復聊生迨我
國家之混一區宇也
列聖相承洞悉邊地土司之

害一舉而政土歸流於是出
之水火之中而處之光天化日
之下俾化外種人鑿井耕田
與內地編民等其履疇所
及固不僅威遠一聽而威遠

序

四

亦無不在履疇之內良以承
之惠此大綱以紀穆然燦然
有所遵循而弗敢失詎非
聖天子之德洋恩溥而竊祿
邊陲者之幸歟廣集見聞

觀陳利病以備太史輔軒
之采守土者所不敢廢也
權曰馬東海謝令為浚縣
有聲累牘錄聞以差送自
任既得前任夏大使志稿

序

五

而增脩成帙以請序於余
見其縷析條分大端已具深
韙今之用心而猶有說焉歲
遠固遙地也憶自嘉慶年
間裸黑蠢蠢先大夫以鹽

道帥師勤平之施奉

台調任迤南趨庭之暇提

命及之茲仰承

恩眷開府此邦常恐不克

負荷以貽先人羞展卷

省躬振增感歎今日承平已

久守在四夷容不必汲汲累

日事而地以威遠為名官以

安邊為要所願繼謝之

後者循覽乎志之所已詳

序

六

而并加意乎志之所未詳

則書非無用之書而循良

報眾即於是乎在矣

賜進士出身資政大夫兵部

侍郎兼都察院右副都御

史巡撫雲南等處地方贊

理軍務兼理糧餉連平

顏伯燾序

序

七



威遠廳志序

邑之有志備參考而布政教所
關於地方者甚鉅以吾所見爲
地方官者問以建置之源流疆
域之輪廣山川之名勝與夫學
校農田水利賦役兵防諸事無
論其盡心與否輒詳哉其言之

威遠廳志

序

一

則載諸志者詳也其或地界荒
遠邦非文物往往無得而稱曰
舊固無志或曰是僻陋之太甚
也是採輯之無從也不則有志
未逮又經費無出也有舉廢而
不知何幽潛之能聞遺亡放失
年甚一年卽一二有志之士思

欲網羅其事勒成一書輒嘆息

於文獻之不足徵也嗚呼官之

係乎地方與地方之望於官者

果安在哉威遠在滇爲土州後

改流又改隸府幾百餘年尙無

志謝君雲樵署任兩載採夏君

鼎志稿增爲志書此能盡其爲

威遠廳志

序

二

地方官之職也適以序屬余余

因樂爲善之

賜進士及第雲南布政使陞任湖北

巡撫前翰林院編修上元伍長

華實生氏撰序

威遠廳志序

郡國之有分志始自常璩華陽國志宋大中祥符撰吳郡圖志於是天下郡邑莫不有志萃一方之山川疆域建置沿革與夫田賦典禮風土人物畢載焉蓋所以備職方之掌故考一代之

威遠廳志

序

典章也滇省遠列南服郡縣志之未備者所在多有固守土者有所未暇亦因訪求無徵參考難信則甚矣創始之難也威遠自雍正二年始設流官隸鎮沅至乾隆三十五年改隸普郡地接猛緬實邊陲之要區也而徵

文考獻之書缺如將何以徵同

文之盛耶然欲爲創修之舉非

勤學好問者又曷克肩其任雲

樵謝君吾桑梓士也以進士出

宰平彝來權威篆著有循聲深

憾其地之無志乃於撫民聽政

之暇勤加採訪得夏公鼎草創

未就之本爲之博考旁稽補其

闕佚彙成八卷爲目三十有三

以該古今於是星野形勢丁糧

鹽課以及漢夷之馴獷物產之

殷阜釐然畢具燦若列眉使數

百年聲明文物之散佚者一旦

集其成其有俾於吏治者誠非

威遠廳志

序

二

淺鮮然非如謝君之勞形撫字
留心典章又何足以語此余秉
臬滇省適書成而屬爲之序余
嘉其可以傳信方來也爰書簡
端以告後之官威遠者

道光十八年歲在著雍掩茂仲

春月

威遠廳志

序

三

滇臬使者海豐王惟誠序

威遠廳志序

道光十有六年春謝君雲樵權
同知威遠廳不數月民情大和
而慮君之不克久於任也相與
臚其治狀請於大府效借寇故
事乞留之事格不行明年秋以
改權雲龍州去民依依不能舍

威遠廳志

序

一

而謝君創修威遠廳志適成諱
余爲序夫郡邑之不可以無志
志之莫難於創始與謝君之所
以勤勤於此者原序已詳矣而
余乃於此知謝君之所以得民
也古之論州縣者必期於久任
自瓜代期促士大夫官於其地

往往視如傳舍官與民不相習
無以因俗爲治而民亦無以服
習其政教簿書期會能不失職
斯賢矣至問其民生之利病風
俗之淳澆疆域之廣袤山川關
隘之險易津梁道路之通塞以
至田賦水利學校禮儀一切養

民教民之具與夫修理兵防控
制邊土之張弛得失率視之漠
然若於己無與焉者其於興廢
舉墜考獻徵文不惟不能爲亦
不暇爲矣夫以不能爲不暇爲
者而勤勤焉爲之且創爲之而
其民亦若恐其爲之不底於成

而切切焉留之夫亦可以見謝
君用心之摯而其得民爲甚速
矣茲志爲卷八分門別類體例
一本通志其所記載不無繁冗
然威遠舊未有志揅討惟恐不
備草創焉以待後人之增損其
諸過而去之不如過而存之之

意歟君以儒術飾吏治民之籲
留也頌其興學勸農弭盜諸善
政而邊防鹽務尤兢兢焉數月
之間其有造於地方若此豈非
文學之化有深入於民心者乎
茲志之作其一端也余嘉君得
民之速而於志見其用心故樂

爲序之

道光十有七年丁酉秋九月雲
南鹽法道前翰林院編修廬陵
王贈芳霞九氏書

威遠廳志

序

四

威遠廳志序

郡縣之有志所以備一方之掌
故徵文考獻於是乎賴普洱爲
南陲鎖鑰所轄思茅威遠皆係
極邊種夷雜居撫綏控制最關
緊要其山川疆域建置沿革與
夫田賦兵防以及風土之所宜

威遠廳志

序

一五

習俗之所尙苟無志以紀之其
何以資採擇而驗得失乃自隸
版圖迄今百餘年因陋就簡問
之普郡而普郡無志問之思茅
而思茅無志問之威遠而威遠
無志固緣風氣之未開抑亦守
土者之恥焉余初攝篆思茅卽

欲與同志補此闕典究以邊籌
未果及奉

命分巡是邦又值車里多事不遑他
顧至今時以爲歉謝君雲樵好
古績學士也權丞威遠下車之
始亟亟以興文講學撫農濟竈
爲先務旣而慨地方無志詢諸

威遠廳志

序

六

父老得前署同知夏大使鼎所
輯志藁一冊惜其未就爰集多
士旁摭博采爲威遠志八卷將
以授梓請序於余余披閱之見
其事核而實文簡而該允足信
今而傳後余竊惟天下事莫難
於創始創始之功等諸破荒從

散佚之後網羅舊聞存千百於

什一士大夫猶靳爲之況地匪

通都疆實戎索前無所依據退

無所折衷而迺內不惜心外不

惜費有見於分所必爲毅然爲

之而弗疑不底於成不休古人

不云乎爲之者勞觀之者逸如

威遠廳志

序

七

謝君者儻所謂不憚其勞者乎
書始於丙申之春而成於丁酉
之夏以勞心撫字之餘復能遊
心典籍爲此規模燦然體製煌
然之作以爲閭郡倡俾將來普
志思志由是踵增焉謂非甚盛
事哉余美謝君之用心而更爲

繼起者勸也是以序

道光十七年歲次丁酉仲夏月

誥授中憲大夫分巡迤南兵備兼管

水利道楚南胡啓榮橘洲氏撰

并書

威遠廳志

序

一八

威遠廳志序

郡邑之有志猶國家之有史史
不修則無以攷一代之典章而
得其因革損益之故志不備則
無以徵一方之故實而得其推
行通變之宜故作志者自星野
輿圖以及學校風俗戶口田賦
無不畢書後之人取而讀之綱
舉目張燦若列眉而後乃能酌
古準今審時度勢以求斬乎合
人情宜土俗而後已此志書所
以大有關於吏治也若無志書
則土壤之沃瘠山川之險夷民
風之勤惰士習之純疵皆茫然

威遠廳志

一

靡所藉以爲據此在通都大邑
尙難爲治况威遠爲滇南邊境
袤延八百餘里崎嶇險阻羣蠻
所居官斯土者貿貿然來聞見
缺如其不至鹵莽滅裂者有幾
則志書之有關於吏治者威遠
爲尤甚而威郡舊無志考威地

威遠廳志

二

自前明洪武入版圖

本朝雍正二年設流官屬鎮沅乾
隆三十五年改隸普洱建置甫
定志未遑修道光五年署司馬
夏君鼎集有抄本又畧而弗詳
丙申夏予權普洱篆任威郡者
爲東海謝君雲樵君篤厚和平

威遠廳志

三

勤於其職在任年餘凡利民教
民之事旣已次第舉行而又亟
亟以纂修志書爲務取夏君抄
本與多士詳加攷訂復旁搜博
採手自編輯越十月而志成問
序於予予閱之詳簡合宜信今
傳後知君之盡心於吏治而非
徒以文見也而又知後之讀是
書者觀民生之勤而農功益裕
觀士風之懋而文教益興觀地
處邊隘而益嚴控制之方觀民
雜漢夷而益慎輯和之道吏治
蒸蒸日上皆於志之成卜之矣
是爲序

誥授朝議大夫雲南楚雄府知府署

普洱府事銅政議叙加十四級

紀錄八次鹽政議叙卽陞曲沃

裴驄鐵軒氏譔序

威遠廳志

四

威遠廳志序

威遠舊爲土知州雍正二年始設流官猶屬鎮沅管轄至乾隆三十五年改隸普洱府則治普者兼以治威與思茅他郎兩廳均一例視之諸所政教與民間風俗府俱得以與知而因以達

威遠廳志

一

之上憲俾聿驗其得失美惡之由是不可無志以稽之顧修志難而勦修爲尤難自非賢而有文克知政體者方且治劇理煩之不暇胡暇爲此雲樵謝君以丙申春署威迄丁酉夏卽有雲龍之委中間祇期年餘耳而從